



05274

張洺南詩集卷之五

五言律

雲中稿時嘉靖乙丑至隆慶丁卯

春日山游

劍拂胡天曉
荒煙處處生
塞寒遲見柳
春到少聞鶯
馬度千峰雪
人沾萬里纓
凄然懷故國
此日正花明

懷揚州蔡文學君容窓友

春風走馬日
回首是何年
我夢雲中月
君吞江上煙
青燈秋雨外
白髮夜潮前
為問揚州鶴
能携一並鸞

望白登臺

不見漢天子
空餘百尺臺
馬嘶荒壘斷
猿嘯暮雲哀
狐戎愁邊盡
殘笳望裏回
關河秋萬里
誰是請纓才

遣懷二首

官閑無俗好
獨與小亭親
荒草能添悶
秋詩絕瘦人
看花留島月
拂硯起松塵
萬卷揚雄字
尋竒尚未真
杜門非倦世
每擬賦長楊
徙硯因迎日
收花故避霜
吟殘沙雁暮
愁絕塞雲黃
獨倚天涯外
蕭蕭兩鬢蒼

十月初四生日

生事多踈散
何顏對此尊
衣冠三代後
天地九朝恩
製錦曾東海
開帷惟北門
十年搖落意
回首不堪論

旅况

孤館依天末當窻一葉風秋從殘雨盡夢與落花逢
旅况惟關月歸心有塞鴻干戈頻歲起誰守鴈門東

雪夜

朔氣凌遷客凄涼每夜分窻懸北海雪門掩太行雲
塞馬逢秋壯胡笳入暮聞不知漢天子誰是李將軍

病中懷友

寒飈吹萬里孤客更蕭森愁掩秋風榻空懸夜月琴
無山尋魏野多病少陳琳况復嚴城下蒼烟處處砧

聞太宰王三渠公告病還秦

詩集卷之五

二

方上留都奏征車已涓陽文章干氣象勲業動朝廊
病豈相如涓家真跡受鄉

聖明新側席寧忍遽滄浪

寄叢臺諸子二首

乾坤當六國遺事尚堪聞趙客紛如綺叢臺翠入雲
獨憐肥義相空負武靈君笑却黃金宴斯人不可群
我愛邯鄲俠卽當每自雄拂衣歸海右懷璧下關東
雷電千人氣山河百代功丈夫誰按劔能振古豪風

登于家砦

堞飛雲影外石磴鳥猶懸洞口脚孤靄山根滂亂泉

天河低壓柳劍氣晚生烟只恐新安吏徵兵夜不還
憇徐家疇

城亦崔嵬起居民慘獨稀簷空穿鳥穴堞古上苔衣
白日深埋霧黃沙半掩扉干戈何處少殘業竟誰歸
携小兒一充登懸空寺

天外孤峰起春風偶放遊一僧能倚杖萬險獨懸樓
翻掌全揮日披雲許縱眸呼兒臨絕勝莫愛久停留
懸空寺望恒山絕頂

梵宇蒼茫外看山碧落中亂松栖霞重危嶼縱烟雄
秀壓孤河斷春填萬壑空有懷吾不盡家在鴈門東

詩集卷之五

三

宿甕城口驛

落日停孤騎危亭隔暮雲松聲排戶入山色許窻分
沙鴈愁邊斷霜笳客裏聞關情詢驛吏旅况益紛紛
贈上人正時二首上人能詩且走江湖間

一軒春靄碧憐爾興彌增詩擬唐無本人驚寺有僧
榻懸湖海屐閣放雨花燈我亦談方外禪機尚未能
生有青山氣詩成獨傲人杖屨天地小衣帶薜蘿新
此日雲中客曾為海上臣論交塵世外太半與僧親

輓謝道行秀才

秋月推山袂杯吞萬頃烟採花防醉枕把劍壯詩筵

孤翰何曾老謝敷今已還關河千里外洒淚滿胡

元宵與齊望澤小酌二首

元宵今兩度古塞四無烟白首春風裏丹心夜月前
喜聞隆慶號新祝帝堯年欲奏平胡頌明光遠隔天
他卿聊此夕燈火萬家樓寶馬分詩謎金堤問酒籌
乾坤西北地戎馬古今憂欲上嫫姚計空懷尚未酬
自雲中如濟南典試稿時隆慶丁卯

入倒馬關小憩關山寺

飛石盤龍虎雄烟氣欲吞關河無羽檄里巷有鷄豚
辟地新開寺循崖近起村坐邊秋色滿落日下中原

詩集卷之五

四

濟南貢院夜坐

香署孤煙鎖家僮汛掃頻亭雲閑落地窓月冷窺人
聽角殘烏斷看花倦蝶賁朱衣仍可坐相與道吾真

思歸

關河雲黯淡車馬向秋遲客路芙蓉冷閑心鷗鷺知
貧無相見客老有不傳詩獨喜漁樵在青山酒一卮

午坐

午坐一窻小隙風生細吹池煙情不斷簷鳥靜相宜
秋影墜簾日天香滿院時無才能報主衞鑑晚叨知

酒後

酒後欲狂走秋邊更苦吟懶雲拖鴈影殘日倒城陰
引碧池痕暗沉香草色深短蛩聲漸近客意轉蕭森
鹿鳴宴上

天欲開佳麗祥風媚錦筵衣冠明漢代禮樂慶堯年
鳳舞山陰合鵬搏海氣懸上林春色早掖爾更飛騫
與趙監察登明遠樓

百丈懸孤磴樓臺意渺然雲烟青到地海岳碧連天
飛箭憐高誼請纓思少年好同驄馬使共眺紫宸前
樓抱晴煙出文軒此一停草連秋水白天歷晚山青
筵上馮驩缺窓前伏氏經書雲煩太史客聚夜來星

詩集卷之五

五

九日濟南王府同高長史諸君湖泛

秋放空天影湖光一鑑收檣開紅葉館人醉白雲樓
寂境玄音動靈芳淑氣流衣冠成散逸不數武陵遊

留別秦蘭臺明府

歷下初傾蓋年青獨羨君一鞭驅海岳萬里叱風雲
劍在心堪許尊開袂忽分鳳池春色早爾去正芳芬
贈劉子不息

余自雲中赴省試有唐君者稱其鄉人劉子才
至是果舉劉子

唐舉高眉目看君氣格真十年窓下志萬里月中人

事業風雲壯文章海岳新長安三月賂走馬試青春

贈張子鴻儒

先君訓即墨時舉孫子孫子與余同銓選甚言
張子才至是果舉張子張子者孫子門人也二
十年來父魁其師子魁其弟豈偶然哉詩以喜
之

海上橫秋氣相看眼獨青大鵬當白晝接翼起滄溟
爾輩皆千里吾家本一經春風橋梓地深媿少儀刑
贈陳子良知

余官日照時曾知陳子才至是果舉陳子

詩集卷之五

六

馬上相逢日於今又幾年風雲知有會歲月喜相憐
獨鯉深搖海孤鵬遠奮天看君元不偶還醉杏花烟
雲中稿時余歸自濟南

別張龍洲中丞

謫路空慚我相看歲月流少陵嚴武客李白夜郎秋
天亦憐君拙官從未老休台垣回首近忍許竟滄洲
送胡氏淮安人

吏小姿何秀千山此一歸關河迎細馬花柳照春衣
古道鶯相語長淮魚正肥樓懸沙上月忍見鴈孤飛
懷聶雲川少叅年丈

我向雲中去君從河上知一尊聊駐馬萬里各征衣
空抱匣時略其如舉世莽秋風潯水岸孤鴈正南飛
懷立露潭年丈郡守

世事已如此憑誰復自竒驥無千里價心有一天知
賈誼新書在長沙舊路逢向來留犢處春滿召棠枝
送武春林少參如楚

花動千門曉征袍此日分馬嘶胡地月劍拂楚天雲
古道今無恙相看獨有君關東懸士論誰復數終軍
温三山中丞見訪不值已訪之又值雨阻

儒冠今更事車馬往來中懸榻吾何敢携琴爾獨空
詩集卷之五

門閑關白晝花懶護青驄我欲排闥闔寒簷一挂虹
送劉體道進士還山東

歷水扶搖路別來又一秋以吾懸榻士識爾詣纓流
紫塞初聞笛白雲正倚樓還朝看佩劍星色動皇州
次温中丞新秋韻二首

司馬歸田日雲禾旦報秋劍搖關月動門掩客星流
一笑杯長滿孤吟花自幽有時憐放逐獨上仲宣樓
萬里長纓士秋風未老時綠尊開鶴渚烏帽挂藤枝
世道須公等干城已在茲雲臺高百丈誰不信才奇

連日苦吟室人輒諫之

苦吟非我志與在不言時天地催人惡山河入抱奇
少年悲李賀感遇愧王維月下僧敲戶猶嫌得句逢
自雲中移官鞏昌稿時隆慶戊辰

義昌驛小憇竹亭

一竿清已絕况復滿亭看直節真凌漢孤心正倚闌
乍逢神欲爽久坐骨生寒肉食空慚爾秋風好挂冠
登五峰樓覽華山

萬里看奇秀名山獨此雄流香侵碧漢削玉蘸秋空
鳥去分天外人來落畫中圖南千載後誰卧石蓮東
華陰廟柏杪一槐挺出觀者異焉

詩集卷之五

八

挺挺千年栢孤槐孕秀時綠陰雙舞砌黃鶴兩栖枝
地迥生烟古山靈抱骨奇秦松空自老羨爾獨含姿

贈道士趙全倫

道氣黃金粒白雲養骨成松風調鶴舞山雨聽虬鳴
覽勝心逾壯臨高眼獨明滿吞仙掌露為我澣塵纓

咸陽謁李太白祠

騷人天地有所向獨高賢身在開元後神游大雅前
姓名猶五岳祠廟自千年回首夜即道為君一潸然
鞏昌稿自隆慶戊辰至辛未

題張烈女會寧人未嫁而死其夫

死空天地冰霜許寸腸風聲凌豫讓氣節凜睚陽
有美閨中秀何如陌上桑慚余非史筆為爾一標揚
正德辛未流賊寇吾邑有郭金玉武香兒者
皆鄉人女也郭被虜馬上詒賊乃投井死武
見賊不能走自捲於門後箔間賊獲之乃罵
賊死夫以二女之節凜凜如此顧以窮鄉小
氏不蒙旌典可哀也詩以表之

郭金玉

家散身無倚人從馬上歸寧尋黃壤路肯玷綠羅衣
一死關輕重千年有是非輸金還蔡琰羞殺漢朝威

詩集卷之五

九

武香兒

兵燄烈於火誰無畏蹈心橫戈神愈壯引頸見何深
冷月窺殘箔香花泣斷簪至今門徑血猶照故山陰
宿紅古城

丈夫生不偶天外且從征馬散黃河岸人關紅古城
愁心雲萬里欹桃月三更鷄犬亂蒼戎孤筇時一鳴
泊乾益池

窮躋生有分天入大河千雲壓孤城慘花迎一劍寒
山空惟度鳥池古但晴灘何處笳聲急愁心萬里寬

送弟成名還家

此去吾憐汝關河萬里遙
干戈同患難毛髮轉蕭條
尋社沽新酒歸山訪舊樵
誰堪風雨夜孤馬一聲迢
吞許平湫少叅時謫居延安

大河天外斷戎馬各風塵
愧我非張翰知君是許詢
請纓元有氣失馬豈從人
且占清涼塢孤吟片鶴春
送申誥秀才

閉戶書生事君能獨遠
遊隴山秋外騎秦水客邊樓
投筆千夫氣飛纓萬里謀
此行應自負莫但試驂騑

鸚鵡

客裏真憐汝淒涼入轂中
此生聊隴右他日竟關東

詩集卷之五

十

捩落容初減飄飄意獨確
何當終放去吟爾故山風
和汝賢至隴右

十年曾海上此日又秦關
鄉信知無恙君來意更閒
故人誰白首何處有青山
聊且供塵役秋風爾共還
懷王河汀憲副

相逢真不淺別後意長傾
間氣鍾秦岳雄才壓漢京
愁人芳草色落日規聲擊
日關河斷孤雲下渭城
得辛未曆元日甲子時方上書謝政

捧曆憐衰暮驚看日月新
歲元逢甲子人道喜庚申
作宦曾無補歸家幸有貧
春風花滿路誰復戀紅塵

春日懷歸

百年今復幾疋馬尚遲遲老病酬新歲窮愁改舊詩
拂衣猶未得唾手欲何為久負青門約種花春滿池
自鞏昌抵家稿時隆慶辛未

余官雲中日挈家往及官隴右惟兒一充堅
請西從官休竟與同歸余憐其幼而壯之

少年輕萬里氣槩亦何惟白日千烽起黃河一線通
承顏仍隴右多故豈雲中莫訝辭官去吾今已是翁
留別王桃溪憲副

相見即相別春風故惱人中原君有意萬里我無因
詩集卷之五十一

寶劍堪酬國真儒肯負身懸知徵召切早晚下絲綸
留別王來選秀才

迢遞春風路芳尊照碧蘿隴雲千里斷塞鳥一聲過
遠送人應少獨歸愁更多君情良不盡其柰夕陽何
醴泉解經者弘治間令我邑其人清介絕俗

因過其里懷之

高風詢故里耿耿照三秦忱慨匡時略凄涼許國身
何金能入夜無犢可留人我欲題君墓春歸一劍貧
歸田稿時隆慶辛未

余故業在山中今東徙滄陽喜晴七首

水村方歇雨野意入晴驕晒藥沙光軟開書寫影脩
花流清滿屋草放碧侵橋何處人沽酒垂楊拂翠條
興與青天逼天晴興亦豪酒開蒼翠館詩在水雲清
人散耽幽癖情真負氣高幾年空宦邸兩鬢欲蕭騷
喜晴新着屐杖外碧雲收到處尋山水隨人呼馬牛
向平元氣岸張翰本風流官罷無供給生涯一小舟
已有山頭屋仍開水面樓懸雲須補屐裝鶴且停舟
樵斧憐紅葉漁盟醉白鷗野人多好况無恠乞官休
茅茨依水次披篔簹宿雲收坐倚迢迢月吟成瑟瑟秋
但留三徑在喜得一官休林軒見情知重踈慵豈自由

道高無俗氣村落頗相宜宦况三年拙歸心一鶴知
瘦軀耽酒甚貧字入詩奇豈不憐鐘鼎其如放曠時
獨徃憐吾癖適時苦太深無書授政府有道寄山林
藹藹踈狂氣悠悠曠達心酒朋三五輩聊與賞知音
訪山居

名已收河岳幽芳許獨攀寺闌黃葉古僧到白頭閑
老喜詩無草貧誇業有山侯門深似海終在渺茫間

放艇

不信塵中吏能無江上情尋詩船更進把酒浪頭爭
鷗鷺空天影薰葭落日聲榜人仍有氣直犯白雲行

與宋惟澄王蒼賢野藥

二妙俱高士相逢此地幽坐深因別久禮散為官休
恍慨王褒頌淒涼宋玉愁白雲飛不去冉冉欲生秋

懶翁衣二首

余生最懶官竟以懶去去官以來其懶日甚因
製博衣以遂其懶且自命為懶翁云

懶翁衣自別聊此避塵氛山雨披襟濕松煙隔袂分
不衷知幸免薄斲見無文落日漁樵地輕沾一片雲
家貧衣更好一褐頗相宜太朴防沾酒從寬許袖詩
青山學稼日白首棄官時肯似羊裘傲猶勞漢主知

詩集卷之五

十二

坐謝鳴時野亭

十年鬢髮好萬里欲飛騫虞氏窮愁日劉生下第年
貧求長劍在老去壯心堅我亦長沙客相看獨悵然
秋日問毛文學疾

寂寞毛萇第秋風入夜頗耽詩成老病買藥值家貧
白日閒宜坐黃花瘦可親侯芭今在舍多少問奇人
陪邑侯張仰峰飲僚友席上

花署懸高宴當筵寶炬明使君新得政文苑舊知名
酒豈邯鄲薄歌仍燕趙輕投閑吾不懶能醉月三更

飲問深山邑博菊亭

仙吏開瑤席花爭十月黃催歌雲黯澹入坐月蒼涼
詩賦元同調年華且異鄉青氈寒一片風色滿門墻
楊子榮招飲

十年真別汝此日又開尊月露孫登坐蓬蒿仲蔚門
家連春雨社人醉杏花村為爾須換轄長歌意氣存
戒人好俠

燕趙多豪俠千年首一回相如完趙璧郭隗起燕臺
劍溢神逾壯杯殘眼獨開爾今饒意氣空負鬪鷄才
示姪一默一敬

世事莽如此人生合有期萬緣從拙好一路涉顛危
詩集卷之五

莫訝窮愁日休袷快意時投鞭水可斷君不見秦師

農隙三首

投老田家日秋村已告成賽筵當巷起社鼓出花迎
天子今元聖蒼生正太平不妨沽酒醉贏得浪仙名
獨坐鷗汀寂杯開一鴈秋草茅催社急砧杵破村幽
隱隱藏雲圃迢迢載月舟虞卿真解綬且莫賦窮愁
一官非所好解去洽初心泉石閑中味乾坤象外吟
晚年貧忌酒多病老耽琴抱甕空憐拙虛名在漢陰

訪張玉甫

已賣成都卜仍尋閬苑仙壺中閑日月海上舊山川

均是黃梁夢誰昇白日天請君同我醉且莫更談玄
與陳執夫小酌談昔年海上之遊

少小頭先白况今垂老時春風花放盡村路馬行遲
海上詩名在山中酒甕歌十年一回首何處不相思

贈劉翁元清

歲月誰還在茅茨且獨栖酒杯逢社減門戶少人題
老覺青山遠貧開白屋低放形真不淺天地一青黎
村君郭廷用韓德隆見訪

村君常獨坐爾到忽開門紫蘚吞青屐白雲湛綠尊
談經翻誤業作宦祗銷魂二妙無勞問生涯獨灌園

詩集卷之五

五

輓謝翁子美

君已百年近予為萬里人有杯誰共醉無計可酬貧
窻外青山在園中紫蘚新獨憐漳水月猶照屋梁塵
示姪一受一諫一定

欲作青山業時供山下耕卜鄰鷄犬砦結社草花坪
豈是探丸客空談鼓缺名平原臺上坐誰賦少年行
與王君賢賞牡丹

遊子憐春切尋芳興獨真香猶深浦坐蝶故遠迎人
聚散悲今日踈狂笑此身君看杯酒地明日已風塵
芍藥被盜伐去余歸悼之以詩

一騎春風外三年客路中花間人不在門杜蝶還通
戀草誰家綠栖霞何處紅臨軒傷轉切深媿主家翁
聞王從善從溫來鳳讀書叢臺上

百尺叢臺上當窻一月明虞卿真可學肥義向誰評
歌舞昔年地琴書此日情有詩多萬卷吾欲訪飛卿
馬體方體嚴招飲

記爾成童日吾年差是兄歲華真浪度湖海竟浮名
人過曾遊地尊開無限情相看一回首白髮為誰生
十年前卜得西山羨鳩貧不能築一舍

卜宅依山水岩栖三五家聞鐘知寺近捫壑信秋賒
詩集卷之五

地僻樵聲隱林閑牧影斜十年亭不起誰為向平嗟
輓宋惟澄秀才

宦路十年久山河萬里天官休尋社急爾獨向吾偏
鷓鴣鳥因窺舍龍蛇豈妬年一杯酬往昔誰復到黃泉
園亭廢

十年貧更甚亭廢主人歸對酒池仍在尋香蝶自飛
春殘花放少金盡客來稀歌舞斜陽地誰憐此日非
城中事冗溪村已夏尚未出居

城市淹春月尋芳一騎逢綠亭新有社白髮舊相知
花壓詩壇暝雲填酒甕飲不妨朝夕至肯誤賽神期

溪村雜興十首

狂心耽野趣喜買傍溪田秋漲却痕闊晴沙鳥跡偏
漁賒新釀酒柳繫暫停船生計惟幽事愁人問當年
一騎偶然到新開近郭村憐詩修菊譜訪客徧溪門
橋斷垂楊散雲斜缺岸吞幽芳堪慰老幾欲倒清尊
野父能邀我盤飧不厭粗禮文纔半揖杯酒動千壺
當席揚眉唱垂醪攘袂呼冠裳高宴會吾恐媿斯徒
出門三五里沙柳綠成行牛飽遲歸社蚕飢早問桑
挂鋤雲落地開戶月臨床睡足花村夜人疑勾漏鄉
終日復何事垂揚綠滿橋苦吟梳洗廢久坐睡魔銷
客少甘窮僻兒多慰寂寥候門無僕吏黃犬一聲驕
輸盡公家稅了無塵事牽種蓮紅蘸雨栽樹碧搖天
話出漁樵信官休鹿鶴憐逢橋湏問酒還上夜來船
柴門鷄犬靜柳色向晴飛縱酒嫌詩以看禾恨雨稀
午耘炊婦懶遠餉佃夫饑村事催人惡誰能不夜歸
浮雲日萬里誰是倦遊人獨抱煙霞氣重憐鷗鷺身
辭官非長傲覓句未全貧怪爾高陽侶相逢不厭頻
萬事且從俗孤高竟若何蓬蒿成習久牛馬應人多
花許鄰兒坐杯同野父歌不逢鄒孟軻誰信展禽和
野意償幽好芳催輒自鳴夢中蝴蝶影醒處聽鶯聲

燕蹴飛花舞荷翻宿露驚村鐘無定杵知有長官行
勉賀繼麟學無訊任子清

世路惟年少燈窓莫畏寒詞華羞覆瓿氣槩肯探丸
黃卷三冬力青雲萬里寬下惟有高士不愧漢任安
宋植庭請陪邑長未赴走謝

官罷人逾懶清狂竟此生門閑苔蘚合路僻野煙平
園為栽花出山因採藥行踈慵酬老大努力報高情
示陳漳陳濯二子

萬里青雲路憐君意氣雄燕臺違駿馬秋月滯高鴻
壁獻三年後舟焚一戰中寶家亭上挂閃灼照人紅
詠集卷之五 十八

山人任衡劉以祚招飲

不到十年久一材今宛然城荒烏鵲噪日落牧人還
裘馬青山外功名白鷺前為憐雙鬢雪欲去且留連
閑適二首示岳孔彰

四海今何往一天風月真垂楊憐地僻羸鶴喜家貧
習儉兒聰課便慵客見噴不妨仍閉戶早晚醉芳春
樓小日頻上餘無可坐軒窓開書落地吟到月當門
妻若衾裯破兒多笑語繁不知方寸外何處有桃源
送宋君輔之長安

趙客輕千里翩翩喜此遊秦關芳草碧漢闕暮雲秋

走馬搖青袂逢人尚黑頭長安高意氣努力振風流
狂興

不信年衰白尋芳興獨真身輕全仗老詩癖半由貧
喜買栽花甕絕憐賣酒人自知迂闊甚寧復嘆沉淪
溢水泛舟二首

此日風流甚凌芳萬頃潮調箏雲在舫橫笛月臨橋
岸綠搖杯淺林紅逼浪驕前川君試聽河伯晚吹簫
彩鷁衝煙起春芳夾岸明帆歌寒妓影潮急亂歌聲
狎客鷗輕泛當橋柳細迎好湏留落日輸盡楚狂情

與弟成名山池賞蓮

詩集卷之五

十九

不斷青山色還生碧水雲池光晴更媚花氣遠堪聞
露滴紅香冷魚擊翠蓋分此行湏落日莫但惜微醺
姜以道山房小酌

山靈仍記我人是十年狂門擁煙霞碧盤供首着香
岩芳秋簇錦澗滴晚吹簧寥落松楸社重來理舊觴
山寺久雨喜晴四首

客是年前牧寺仍雨後村白雲山倒挂綠岸水橫吞
花掩金鐘潤苔生石鼎痕飛觴何太遽落日下平原
碧巖蒼翠擁隱隱見僧房金地含秋影花龕蔭晚香
一溪清到戶萬柳綠依墻舊日題詩處烟雲正渺茫

山饒孤寺雨獨坐喜初晴夜靜泉聲活秋閑花氣清
憐僧新入社癖鶴舊知名問爾悠悠者能無媿此生
孤雲飛片雨山色隱沙門貝葉青堪把祇園翠欲翻
屢因居寺久每自習僧言共著袈裟舞長歌酒一尊
孫煖江進士見訪不值

駐馬秋風塞曾開對月亭一尊當劍白雙眼為君青
鴈冷流芳夕花閑卧客星獨憐徐孺子空自欵柴高
十四夜月次韻荅王君賢秀才

明月月何似先看此夜光花陰初窈窕杯影慚輝煌
數點殘蛩澁一聲歸鴈長莫嫌清未滿丹桂已芬芳

詩集卷之五

十一

蘇仲南見訪留飲馬氏草亭

疎柳秋當戶君來又一青不妨杯借地湏到月御亭
花擁遊人騎窓懸處士星草蟲聲箇箇簫瑟為誰聽
飲郝子敏春元山居

山盡水烟起人家綠透門晚村晴更媚寒谷遠相吞
樹古盤沙尾雲閑淨石根春風隨處有杯酒送黃昏
與郝時正聶時進宋君佐同登神窟山尋訪

響堂寺

已歷神窟險仍躋古剎顛掃苔看石篆拂檻起松烟
落日花邊路春風燕外鞭晚山相對紫無處不飛泉

與程子明飲安德貴郊席

附郭春千頃尊開綠滿堂十年三出塞萬里一還鄉
隣我心猶赤看君鬢欲蒼天涯遊子意此日重沾裳
示姪一階

少年今已壯萬里欲青雲鶯鶯真有種驂驪本逸群
况逢明聖世兼有網羅文爾獨奚惆悵能忘日伎勤



